

東萊呂太史文集

七

東萊呂太史文集卷第十五

紀事

入越錄

淳熙元年八月二十八日自金華與潘叔度為會稽
... 辰後出旌孝門五里至闔頭南折入會稽路二
... 橋同領八里東鵝塘城東陂塘此為大瀦田甚博
... 田不印水秋深
... 落道旁野塘水
... 五里上下舍十

宋版東萊呂太史文集

第七冊

東萊呂太史文集

第七冊

東萊呂太史文集卷第十五

紀事

入越錄

淳熙元年八月二十八日自金華與潘叔度為會稽之游辰後出旌孝門五里至關頭南折入會稽路二里桐樹嶺八里東藕塘城東陂塘此為大溉田甚博它時夏秋之交輒涸今歲雨澤以時田不印水秋深猶瀰漫也十五里含香民居頗成聚落道旁野塘木芙蓉初發映水殊有思致十里義井五里上下倉十里孝順鎮十里自驛路北折入香山路五里宿杭慈

東萊集卷十五

潘氏莊凡行七十里是日凝陰不開風襲人已有力始御袂四山雲氣滃然罔巒出沒申後微雨夜遂大二十九日早冒雨行二里小鳳林寺涉溪屈曲稻塍間泥淖沒屨五里苦山二十里梅口邸舍蠲潔勝官道蓋行賈避義烏市征往往出此十五里香山林壑稍邃八里下稠巖景德寺寺屋可百年繪事皆朴質飯于小軒方池叢竹皆有趣然稍蕪矣七里唐口自是復出驛路老梧離立道旁濯濯如青玉榦又二里宿逆旅凡行五十九里晡後雨方歇所歷大氏匆匆不能詳也三十日早發二里石斛橋溪流潺潺岸

旁大石如屋橋西走浦江道也度橋而北十里石牛
有樓臨路樓下牖戶亦明敞主人留小語云創以待
使客非其居也所謂石牛者道下塘卧石若牛水滿
不可見五里洞井居民依小坡植雞冠花數百本冠
距低昂大類尸鄉呪雞翁舍雲薄見日已而大霽十
里新界自石斛橋道出兩山間少曠土至此山圍始
寬秋稼極目黃雲蔚然過義烏東陽浦江永康四縣
巡檢寨婺越界焉五里邵家灣觀五指山其巔石如
駢拇然近視不若遠望飯民家舍後水竹可步逢驅
羊行賈者數百蹄散漫川谷風毛沙肋頓有汗隴秋

色五里涉楓江土俗諺云第一楊子江第二錢塘江
第三楓江蓋甚言其水波惡實小溪耳聞春夏頗湍
悍今僅至脛而已南岸有覆斗山山形正方若斗覆
五里興樂槿花夾道室廬籬落皆整五里界牌隴平
坡淺草隱隱起伏環山城立真監牧地也五里牌頭
市道分為兩北道出漁浦度浙江入杭東道入越輪
蹄擔負東視北不能十一市傍斗子巖巖旁獅子山
首昂背偃略類狻猊五里寒熱阪五里宿硯石村凡
行六十五里婁悒逆旅塲壁橫斜多市僧榜帖大要
皆尤人語斯其所以為市道與悚然久之 九月一

日晨霧上橫隴東嶂出日金暈吞吐少焉全壁徑升
晃耀不可正視升數尺輒於雲絢采光麗因蔽益奇
非浮翳所能揜露稻風葉皆鮮鮮有生意五里里湖
五里蔡家塢五里桐木嶺五里諸暨縣入縣北門人
煙猶蕭疎縣方築社南垣兩松膠枝小異里許至市
自縣治前東折度下橋橋屋半圯矣並大溪行流甚
壯其源一自東陽一自浦江一自孝義至街亭合流
逕縣城又逕蕭山浮橋入浙江縣東陶朱山頗雄自
入新界已歸然見之出縣東門山益遠川原益曠田
萊多荒蓋沮洳不宜稼而然五里放生橋道左女貞

新葉生黃綠間錯如行闔粵荔枝林五里馬秀才店
店旁小室隨事蒔花草馬父罷舉矣三里雙橋畝二
里烏石其南入剡百里而近十五里苦李橋溪磧頗
清淺木陰扶踈百餘步入山徑五里至新店灣復得
平地五里栗橋登栗嶺五里冷水望東嶺神祠縹渺
雲間下坂稻穗垂黃際山數十里平鋪如拭洋洋乎
富哉豐年之象道中所未見也五里宿楓橋鎮前歲
析諸暨之十鄉即鎮為義安縣今年五月廢凡行七
十里薄暮小雨 二日辨色發楓橋陰風薄寒十里
乾溪溪橋柳數百株有十圍者過橋繞山足行十

里古博嶺嶺左右皆叢篠五里洪口有別徑入明自
楓橋而上美竹佳樹相望近洪口曲折循小溪水聲
漉漉風物漸佳十里含暉橋亭天章寺路口也遂穿
松徑至寺寺蓋晉王羲之蘭亭山林秀潤氣象開敞
寺右臂長岡達橋亭植以松檜疑人力所成者法堂
後砌筒引水激石數尺堂後登塔四五十級有照堂
兩旁脩竹木犀盛開軒檻明潔又登二十餘級至方
丈眼界頗闊寺右王右軍書堂庭下皆杉竹觀右軍
遺像出書堂徑田間百餘步至曲水亭對鑿兩小池
云是羲之鵝池墨池曲水乃汗渠蜿蜒若蚓必非流

觴之舊斟酌當是寺前溪但歲久失其處耳由曲水
亭穿小徑涉溪復出官道數里買舟泛鑑湖湖多堙
為田所存僅如溪港然秋水平岸菰蒲青蒼會稽秦
望雲門諸山互相映發城堞樓觀跨空入雲耳目應
接不暇入水門過南堰歷府學天慶觀至禹跡寺門
捨舟外氏寓舍此寺拜外祖母溫國錢夫人伯舅叔
舅溫國八十一矣氣貌視聽纒類五六十人與叔度
同館于書室 三日游外氏園有梅坡月臺菊潭杞
菊堂竹隱蒲澗橘洲因寺廢地葺治之十六七成矣
最勝者梅坡遶亭皆梅前並蒲澗橘洲野水灣環島

淑掩映如在江湖而竹隱一迳深幽塔庭清闕亦其次也又過義恩師院院與杞菊堂鄰十年前嘗識之午後自園後門穿僧庵度小橋轉三兩曲至圓通寺舊乃興福寺子院去歲廢興福入圓通合二爲一埽地更新面勢端直殿廡華敞殿後猶未畢工循舊路復穿園中歸園後邊河岸木成陰舅氏云此即蜀橙木也植之方數年往時表裏無障蔽今不復見道上車馬矣杜子美所謂飽聞橙木三年大信然是日薄陰 四日飯已侍伯舅同叔度詹季章徽之泛小舟出南堰繞城緣鑑湖訪蘇仁仲計議師德於偏門外

皆前日初至所歷也

頗穩慝砌下瑞香兩本面皆丈餘仁仲蘇子容丞相孫致仕間居年垂八十道前輩事亶亶不厭出舊書數種管子後子容手書慶曆乙酉家君面付猶蘇河陽所藏也紙尾銘款云惟蘇氏世官學以儒何以遺後其在此書非學何立非書何習終以不倦聖賢可及其曰書秩銘戒者子容所識其曰先公銘戒者銘語亦同蓋子容之子所識也紙背多廢殘簡刺字異今制者末云牒件狀如前謹牒如前輩所記署衙多杭州官稱子容云知府舍人乃知杭州時也歸舟煙

雨晦霽游大能仁寺閔壯光麗甲於會稽重殿複閣
金碧相照寺吳越錢氏所建頽廢久矣新於今主僧
常坦之手二十年前見坦於此寺方為板下僧相與
步敗簷毀垣間慨然有興作意具道規摹次第果不
愆其素有志者事竟成如此然益知民力之困也

五日義恩師約飯偕者蘇仁仲伯舅叔舅潘叔度詹
季章丁茂才松年七六表弟槩中食開霽晴光發窓
心目頗快飯罷復陰晚步過寺橋歷沈氏李氏園皆
荒蕪獨脩竹猶森然 六日偕石天民斗文潘叔度
自寺橋直道過郡庠道傍多流水喬木殊不類鄞市

教授廳後環碧亭小榻環亭皆水敗荷折葦秋思甚
濃石應之宗昭高應朝宗商亦繼來遂自直舍入學

夫子殿居中脩廊廣庭長松錯列講堂榜以明倫後
有稽古閣制作皆雄偉而閣下尤勝疏達開豁擁墻
密竹如雲晚冒雨歸 七日雨不可出過詹季章位
小閣曰重屋樓板其間縱三弓橫半之南北取屋山
為明遠山竹樹歷歷如畫蘆簟仰承穹窿若舡背幽
潔極可愛名以越舡其狀真類小舟也 八日早過
大中戒珠寺王右軍故宅也屋多人少頗牢落門有
池亦稱石軍鵝池墨池畧無意趣政如天章者

後人彊名之耳殿後地漸峻石岬心之寓居在焉遂與
應之登雪軒軒占卧佛殿右偏湖山聚落皆來獻狀
以宜於觀雪得名今雖不與雪值然霧雨空濛亦奇
觀也寺後即戴山戴菜名園經云越王嗜戴嘗採於
此 九日早雨少止侍伯舅同潘叔度詹叔章汎舟
赴蘇仁仲飯舟經卧龍山下竹洲柳岸略如茗雪卧
枝拂水尤奇飯罷登舟中涂小泊步游西園郡圃也
其北飛蓋堂下臨大池其中集春堂四隅各一亭東
春榮西秋芳南夏陰北冬瑞其南揚波堂面城水木
幽茂兩小亭對峙東曰逍遙西曰裴回園之西即曲

水先入敷榮門右轉至右軍祠穿脩竹塢遂登山山
蓋版築所成繚繞深邃曲逕回復迷藏亭觀乍入者
惶惑不知南北山背有流杯巖鑿城引鑑湖為小溪
穿巖下鍵以橫閘激浪怒鳴過閘遂為曲水長廡華
敞榱棟椽柱皆塗斲象竹遶以清流甃以蒼石犬牙
參錯殆若天成俯砌琢石為礪流杯至礪傍輒自近
岸蓋廡中為三井吸水勢使然曲水之上激湍亭惠
風閣規撫若都下王公家山頂崇峻庵其脅騁懷亭
面亭依山為巖壑然皆塗斲不可支久下山右遶至
清真軒刻楠象楫欄平階茶蘼架甚茂第為蔓草縈

亂刺眼耳曲水乃前守史丞相浩所鑿往年見其新

成今竹樹皆成陰而亭榭稍稍圯剥矣復登舟還禹

跡 十日午後同叔度汎舟過南堰出門穿鑑湖支

港斜雨入蓬衣袂沾濡七里獨山野橋煙樹可畫出

山口港漸狹又七里道樹捨舟步田間泥潦沒屐一

里許至堅密庵拜外大父墓庵屋纔八九間窻檻幽

潔夜分四山風雨脩然始聞秋聲 十一日晨起冒

雨躡屐登舟入城至能仁寺赴常坦師飯七六弟在

焉遂過報恩光孝寺寺後飛來山即圖經所謂怪山

也傳云自琅邪飛至其說不經其巔有塔采絢甚華

二月廿四

夏英集卷十五

八

張孝脣

塔下有鰻井乃小石竅自唐以來神之謂鰻能時出

祇祥近世不復見矣井故依山均坡陀有古意近僧

甃使就整遂無可觀 濮安懿王祠廟寓此寺有園

令領吏卒守之主僧明哲往歲嘗識之新昌設寮未

湯甚清美晚還禹跡 十二日雨不可出借圖經尋

近城名山須雨霽徧游晚石應之來宿 十三日過

午雨止諸葛壽之下齡高應朝石應之孫季和應時

約往丁氏園遂同汎舟至新河少入園園多海檜但

縮結闕其天性後墻皆密竹軒 極太敞宜夏不宜冬

宿東偏小室會宿者叔度應之季和 十四日自丁

區伯叔度壽之確心朝應之季和登舟出五雲明
湖湖面獨此為自陶陰興之吳給事帶浚湖未一二
尺多得古棺皆刻木為之其漢末鑿湖前冢墓也然
後知古人為湖特因地勢無堤堤立而湖成不待深
疏鑿也今自五雲門重堤障然達于曹娥五六十里
民間謂之省塘此乃故湖堤湖田之民每夏堤以決
積水故堤毀而湖廢異時有意復湖者第修三省塘
則盜湖之田不待廢而自為陂濬矣自湖尾入石耶
溪過後漣蘇弘廟傳所記旋風卷舟而逝舟覆不薪
者云至今猶然半里石帆山山橫若張帆又數十步

明史紀事本末卷之十一

卷之十一

秦始皇酒甕乃山脚兩石壘一類甕又一二甕舟
游龍瑞宮方士謂之陽明山天穿松徑數百步至宮
宮後三峯翔舞飛動或若蒼鷹入路或如鸞鶴三五老
特欠其二三年峯乃會稽山有宮春秋周書為田西
廡循山逕觀龍見壇其旁即禹穴乃大壙中築成舞
殊不古殆非司馬子長所採也又數步飛來石老木
橫牙石壁如削緣磴道至殿殿之南有真武出院
院皆為門獨獨一宮道士云蘇州人後世無徑鑿湖
湖天夕照水村漁舍皆滌光景日所入諸山如在金
霧中天下絕境也

成觀宿于

十五日晨謁大禹祠

入閩錄

二十一日陰 宿川嶺下

二十二日陰晚雨 宿安仁

二十三日早雨辰後上

二十四日雨時作時止

二十一日發婺州二十三日至衢州二十四日留

衢州

二十五日出通道門三里晉殷將軍浩廟塑像猶作書空之狀但被服乃用今制四里仁尖二里殷將

二百九十七

東萊集卷十五

十一

張步忠

軍墓墓在道左無樹林上有小石屋鄉名慶墻舊云殷墻謂殷將軍故宅墻垣有存者避諱易為慶九里十八里市八里詹家橋八里栢靈橋七里後溪浮橋一里後溪市一里入江山縣界二里石龜山五里杏溪溪橋頗長有馬驛五里平坦市宿白肚店前溪渚甚勝 是日早雨辰後止時見日

二十六日五里江山縣五里煙蘿洞洞穴頗隘亂石如羊馬其東嶽廟廟後突星山其南騎石山皆翠拔一里東折入浦城路十里清湖渡渡旁麗坦徐誠叟書院今為周氏居夫渡溪至山觀略有水石

十里三石山四里長臺路口路通處州四里檀町
七里鎮安都市十五里江郎山三峯中斷如劔真
寺觀也山下靈石廟老樟輪囷數百年物過江下
市游祝氏園主人名大舉四里宿麥嶺自僭至此
言平土過此以往重山複嶺風物漸類閩中陰未
大面

二十七日五里鐵爐崗五里紅橋渡五里長源四里
三坑五里楓嶺十里僊霞嶺磴道屈折數里甚峻
左右皆榛茅無樹林五里桑園嶺四里梅嶺二嶺
之間林壑頗勝三里礮溪三里大千嶺六里宿柳
嶺避道福州士人潘子嘉是日早小
雨已後晴

二十八日五里相亭自此路皆並溪時有佳處十五
里小千嶺下嶺半入建寧府浦城縣界五里小楓
嶺過嶺望浮蓋山甚雄秀石筍石人石鐘石牛羅
列其巔五里茗坑自此復行驛路五里前漢馮郎
中廟蓋馮唐也無碑版不知始所以立二里黎嶺
其高次於西霞三里嘯客墓林麓幽茂四里杓木
鋪三里回向寺十里山坊十里魚梁嶺五里宿沙
溪面山臨流水木清華終夜聞溪聲進士徐良肱

來謁是日晴
晚雨

入閩錄

淳熙二年三月二十一日早發婺州二十五里馬海
廣教寺三十里湯塘入衢州龍游縣界十五里宿
小龍游是日陰潘叔昌實偕行

二十二日十里湖頭三十里龍游縣三十五里宿安
仁是日陰時見日晚雨

二十三日三十五里衢州謁汪尚書遂館於超化寺
哭婺倅舅徧到外氏諸位見曹守總聞人伯卿祝

東萊集卷十五

四十一

汝昭汝玉張孟遠是日早雨辰後止晚蒸溽未至
衢二十里下道數百步有石巖寺巖頗敞然氣象
庫陋

二十四日留超化是日雨時作時止見汪監稅築舍
人之子也

二十五日早發衢州出通道門三里晉殷將軍浩廟
塑像猶作書空狀四里仁尖二里晉殷將軍墓墓
在道左無樹林上有小石屋鄉名慶塲舊云教塲
避諱易為慶蓋往者殷將軍故宅塲垣猶存九里
十八里市八里危言家橋八里栢靈橋七里後溪浮

橋一里後溪市二里入江山縣界土俗穫稻畱稈尺餘束為把藏之飯甚有味有以養之故也自此至建皆然二里石龜山五里吉溪溪橋頗長有馬驛五里平坦市十五里宿白肚屋前溪渚甚勝是日早雨辰止時見日

二十六日五里江山縣五里煙蘿洞洞穴隘甚亂石如羊馬其東嶽廟廟後突星山與騎石山相望皆奇峭一里東折入仙霞路十里清湖渡渡旁麗坦徐誠叟書院在焉今為周氏居渡溪即山觀略有水石十里三石山四里長臺路口路通處州四里

檀町七里鎮安都十五里江郎山三峰拔起數百丈中斷如割天下奇觀也山下靈石廟廟庭老樟輪囷度其圍二丈八尺過江下市遊祝氏園見其王人大舉四里宿麥嶺自婺至此皆平土過此以往重山複嶺漸類閩中是日陰夜大雨

二十七日五里鐵爐岡五里紅橋渡五里長流四里三坑五里楓嶺十里仙霞嶺磴道屈折數里甚峻左右皆童山榛茅極目五里桑園嶺四里梅嶺二嶺間林壑頗勝三里礪溪自此路皆並溪時有佳處三里大千嶺六里宿柳樹見福州潘進士子嘉

是日早小雨已後晴

二十八日五里相亭自此路皆並溪時有佳處十五里小千嶺下嶺半入建寧府浦城縣界五里小楓嶺過嶺望浮蓋山甚雄秀石筍石人石鐘石牛羅列其巔五里茗坑自此復行驛路五里前漢馮郎中廟蓋馮唐也無碑版不知始所以立二里黎嶺其高次於西霞三里嘯客墓林麓幽茂四里栲木舖三里回向寺十里山坊十里魚梁嶺五里宿沙溪面山臨流水木清华終夜聞溪聲進士徐良肱來謁是日晴晚雨

非嶺也七里井欄源六里大湖嶺上有靈泉菴四里大湖市五里西館五里蔡家洋二里清河橋三里濮村宿遇新歸安張丞體仁同年也是日晴避逅李將仕兄弟儼似福州人皆往赴銓試

四月初一日三里轉山頭入五夫路三里陂頭水齧道多斷絕二里洪源柵五里竹源山徑縈紆澗水交流聲如怒雷一里梨嶺繚繞五六里所歷諸嶺此為最高嶺脊崇安縣界下嶺過雙松一兩曲澗石如磴數十級懸瀑甚奇十里溪源橋始至嶺足民家編杉皮障日朴質可喜二里上嵐林巒秀潤

小山石瀨點綴曲有思致半里上嵐橋一里上嵐嶺二里會仙橋二里嶺二里開善寺七里至五夫訪朱元晦館千書室是日晴

初二日見劉監廟

琬

充甫劉撫屬

珩

平甫范仲宣

瑄

徐周賓大老

作恪是日晴

初三日游劉氏園前枕溪後即屏山亭榭高下十餘而悠然堂最勝遂之報本菴菴旁兩崖束溪如峽同游者朱二劉范潘是日晴

初四日游密菴距五夫七里菴乃僧道謙所廬曾大父遺像在焉謙沒餘二十一年菴前數十步清

亭古木四合泉石甚勝繞澗百餘步晝寒亭面瀑
布菴亦幽■晚遂宿菴中同遊者朱二劉范潘徐
而劉范徐皆先反是日晴

初五日自密菴歸五夫見王春卿炎朝是日早晴晚

雨

初六日後關

此錄所以紀武夷之游鵝湖之集蓋一時之
盛也舊錄散軼求之未獲往嘗得初藁一紙
於耕昌丈既刻之矣比復从宋正父自適得
此本比前所刊贏七日而猶非全書是可恨
也姑再刻以附此卷俟得完本當續補之若
斯游之想槩則見於年譜云

庚子辛丑日記

淳熙七年庚子

正月戊寅

一日甲寅

初編大事記起周敬王三十九年 晴

立春日

四十年

陰夜微雨

三日

四十一年

微雷

四日

脩讀詩記唐無衣

陰時見日

五日

四十二年

晴

六日

有杖之杜

葛生

晴

七日

四十二年元王元年

晴暖如中春

東坡集十五

二三

八日

采苓

秦車鄰

晴暖甚

九日

二年三年

晴暖

十日

駟鐵

晴暖

未後雷小雨晚陰風

十一日

甲子

四年五年陰時見日午小雨

十二日

小戎

蒹葭

陰薄寒

十三日

六年七年八年

小雨午後晴暖

十四日

終南黃鳥

自四更大雨欲曉漸微

終日陰風

夜晴

十五日

貞定王元年至五年

晴

十六日

晨風無衣渭陽權輿

晴寒

雨十七日

貞定王六年至十三年 晴暖

十八日

陳寃丘東門之粉 晴暖

十九日

貞定王十四年至十九年 晴暖

二十日

衡門東門之池東門之楊 晴風

二十一日甲戌 貞定王二十年至二十七年 早

小雨陰

二十二日

暮門防有鵲巢月出株林 陰 午後

雨遂入夜時作時止

二十三日

二十八年至考主九年 陰時見日

極暖

酉後雨簷溜終夜有聲

東萊集十五

二十四

二十四日

澤陂僧羔裘 欲曉雨止林塘膏潤蛙

寵溲漉 晴

二十五日

十年至十五年 晴 晚風夜寒

二十六日

素冠隰有長楚匪風 晴

二十七日

威烈王元年 晴

二十八日

曹蟬蟬 陰晴不定

二十九日

二年三年 陰

二月己卯大

一日 候人

晴暖

二日 甲申

四年

早晴晚陰

鶯三日 鳴鳩 晴和 桃杏盛開

四日 五年至八年 晴

五日 下泉幽 七月序 自四更雨終日時作時止

六日 九年十年 晴

七日 忌祭 早晴申後微雨

八日 七月一章 微雨

九日 十一年十二年 晴和

十日 七月二章 晴 夜雨

十一日 十三年至十七年 欲曉雨止 紫荊盛

開鮮明 陰 晚風遂入夜

夏莫集十五

十五

十二日 甲午 七月三章四章 雨寒

十三日 十八年 陰寒時見日 遠山有雪

十四日 七月五章 晴

十五日 十九年至二十二年 早晴已後陰寒

社十六日 七月六章 晴稍和

十七日 三十三年至安王元年 晴和

十八日 七月七章 晴午後陰

十九日 二年至四年 晴

二十日 七月卒章 雨暖申後晴 初夜山風脩

然隨以驟雨

二十一日 五年至十年 雨後新綠可觀 晴暖

二更後雷雨

二十二日 辰甲 鷓鴣 欲曉雨止辰後復作風寒微

霰北山有雪

二十三日 十一年至十三年 晴寒

二十四日 東山一章 陰寒

二十五日 十四年十五年 晴

二十六日 東山二章 陰寒時見日

二十七日 十六年十七年 陰暖

二十八日 東山三章 晴暖

東山集卷十五

八十六

二十九日 十八年至二十年 晴暖夜雨

三十日 東山卒章 五鼓雨欲曉止時陰時晴蒸

溽

三月庚辰大

一日 二十一年 陰蒸溽

二日 甲寅 破芥 陰寒暖不齊

三日 二十二年 陰酉後大雨半夜止

清四日 伐柯九戩 早陰風辰後止

五日 二十三年 陰早雨辰後止

六日 狼跋 早雨辰後止 陰午後晴

七日 二十四年二十五年 終日雨

八日 正小雅 晴極暖 綠陰初成

九日 二十六年烈王元年 已後雨午止蒸溽夜

雨連明

十日 鹿鳴 辰後雨昏時止

十一日 二年三年 陰晴不定 寒

十二日 甲子 四牡 陰

十三日 四年五年 陰辰後晴

十四日 皇皇者華 晴 筍生

十五日 六年 晴和

十六日 常棣序 晴和

十七日 晴暖二更後雨 以陸子壽見過輟課

十八日 常棣一章 五更雨驟欲曉止陰晴不定

十九日 張五十丈祭文 晴和

二十日 七年 晴

二十一日 常棣二章至四章 雨

二十二日 甲戌 治射圃 晴

二十三日 顯王元年 晴

二十四日 常棣五章至卒章 晴

二十五日 二年 晴

二十六日 伐木一章 晴 初熱

二十七日 伐木二章 晴

二十八日 伐木三章 晴

二十九日 讀宗法 晴 熱晚大風雨昏後止

三十日 讀宗法 陰風濕熱

四月辛巳小

一日 讀宗法 陰 雨時作時止

二日 甲申 顯王三年四年 晴

三日 天保序 陰

立 四日 五年 自四更雨已後止

五日 天保一章 晴和

六日 六年 清和

七日 天保二章三章 陰時有雨酉後雷雨 夜

不息

八日 七年 早雨辰後晴

九日 天保四章至卒章 早濕熱午雷雨申後晴

晚復雨中夜止

十日 八年 晴 清和

十一日 采薇一章二章 晴和

十二日 甲午 九年十年 晴

十三日 采薇三章早四章 晴和

十四日 十一年晴熱

十五日 讀宗法 陰時見日 濕熱晚微雨

十六日 采薇五章 晴

十七日 十二年 晴熱

十八日 采薇六章 晴午後熱

小滿十九日 十三年 晴通夕煩暑

二十日 出車一章 雨濕熱晚冷

二十一日 十四年 雨冷

二十二日 甲辰 出車二章 晴

二十三日 十五年 晴

二十四日 出車三章 晴

二十五日 十六年 晴

二十六日 出車終篇 晴

二十七日 十七年 晴

二十八日 杖杜一章二章 晴

二十九日 十八年 晴熱

五月壬午大

一日 讀宗法 溽暑雨時作時止

一日 杖杜終篇 雨或作或止

三日甲寅 十九年 陰時見日

四日 魚麗一章 陰二更後雨

五日 二十年 欲曉雨止 陰時見日

芒種 六日 魚麗終篇 陰燈後雨遂終夕

七日 二十一年 細雨時見日午後晴

八日 南陔白華華黍由庚 晴熱

九日 二十二年 陰晴不定 濕熱

十日 南有嘉魚一章 晴 夜微雨

十一日 二十三年二十四年 雨時大時小時作

時止

東萊集卷十五

十二日 南有嘉魚終篇崇丘 雨午後止夜小雨

頃之

十三日甲子 二十五年 晴熱

十四日 南山有臺 辰後雨午止申後復雨簷溜

終夜有聲

十五日 讀宗法 雨已後止 晚晴

十六日 二十六年 晴和 申後熱

十七日 由儀蓼蕭一章 陰時有雨申後雷雨遂

終夜

十八日 二十七年 雨不止溪漲晚雨止

十九日 蓼蕭終篇 早復雨晚益大

二十日 作釣臺記 雨晨夜不息

至夏二十一日 二十八年 雨時作時止申後晴

二十二日 湛露 晴溽暑晚小雨

二十三日 甲戌 二十九年 晴熱

二十四日 彤弓 晴熱清風時至晚雷雨昏後止

二十五日 三十年 晴晚小雨即止

二十六日 菁菁者莪 陰晴不定時有微雨溽暑

二十七日 三十一年三十二年 晴熱

二十八日 六月序 早陰涼午後晴熱

二十九日 三十三年 晴熱

三十日 六月一章 早陰涼已後晴熱

六月癸未小

一日 讀宗法 晴時有雲

二日 三十四年 晴熱午後陰涼

三日 甲申 六月二章三章 晴時有雲

四日 三十五年 陰昏後雨夜分止

五日 六月四章 雨午後晴

六日 三十六年上 晴熱

七日 六月終篇 晴熱

八日 三十六年下 晴熱晚驟雨即止

九日 采芑一章 晴午時有雨

十日 三十七年 早晴已後陰

十一日 采芑二章 晴時有雲

十二日 三十八年二十九 陰涼

十三日 甲午 采芑三章 陰午小雨時見日

十四日 四十年 薄陰申驟雨

十五日 讀宗法 陰時時雨夜雨

十六日 采芑四章 陰雨涼燠不常

十七日 四十一年至四十三年 晴熱

十八日 車攻一章二章 晴熱申後陰涼

初伏十九日 四十四年 晴熱

二十日 車攻三章四章 晴熱甚

大暑二十一日 四十五年四十六年 晴熱

二十二日 車攻五章六章 晴熱

二十三日 甲辰 四十七年 晴熱極

二十四日 車攻終篇 晴熱午有雷

二十五日 四十八年慎靚王元年 晴熱申後雷

震陰晦小雨即霽

震陰晦小雨即霽

二十七日 二年三年 晴熱

二十八日 吉日終篇 晴熱 晚小雨

伏中二十九日 四年 晴熱

七月甲申大

一日 讀宗法 晴極熱

二日 鴻鴈 晴熱

三日 五年 晴熱晚大雷雨有電燈後止

四日甲寅 庭燎 晴熱夜風雨久之

五日 六年 晴熱晚大風雨

六日 沔水 晴熱

立 七日 赧王元年 晴熱

八日 鶴鳴 晴熱

九日 二年 晴極熱

末 十日 祈父 晴熱

十一日 三年上 晴熱

十二日 白駒 晴熱

十三日 三年下 晴熱

十四日甲子 黃鳥 時時有雲微涼

十五日 讀宗法 晴熱夜稍涼

十六日 四年 晴熱晚涼酉後驟雨

十七日 我行其野 晴熱

十八日 五年 晴熱

十九日 斯干一章二章 晴極熱

二十日 六年 晴熱

二十一日 斯干三章至五章 晴熱

二十二日 七年 晴熱

暑二十三日 斯干六章七章 晴熱

二十四日 甲戌 八年上 晴熱

二十五日 斯干終篇 晴熱

二十六日 八年下 晴熱

二十七日 無羊一章二章 晴熱

二十八日 除期服 晴熱

二十九日 九年 陰申後以雨簷溜有聲食頃止夜

時有雨

三十日 無羊終篇 沉陰晚時小雨

八月乙酉小

一日 讀宗法 陰

二日 十年上 晴新涼

三日 節南山一章二章 晴

四日 甲申 十年下 陰微雨四更後稍大

五日 節南山三章四章 雨或大或小

六日 十一年 晴時有雲

七日 節南山五章至七章 晴

白露 八日 十二年十三年 晴熱

九日 節南山終篇 晴風

十日 十四年 晴

十一日 正月一章至三章 陰

十二日 十五年 晴時有雲

十三日 正月四章至六章 晴

十四日 甲午 十六年 晴

十五日 讀宗法 晴

十六日 正月七章至九章 晴

十七日 十七年 晴

十八日 正月十章 晴時有雲

十九日 十八年 陰晚微雨

二十日 正月終篇 陰晚小雨二更後遂大通夕

簷溜有聲

二十一日 十九年 雨時作時止

二十二日 十月之交一章二章 陰夜雨

秋分 二十三日 二十年二十一年 雨時作時止

二十四日甲辰 十月之交三章四章 申後大雨
遂終夜

二十五日 二十二年二十三年 辰後雨止午後
晴

二十六日 十月之交五章六章 晴

二十七日 二十四年二十五年 晴

社二十八日 十月之交終篇 晴

二十九日 二十六年 晴 木犀盛開芙蓉初發

九月丙戌大

一日閏閏經 雨終日夜

二日 雨無正一章二章三章 陰

三日 二十七年 雨終日夜

四日 雨無正四章五章 雨辰後止陰時見日

五日甲寅 二十八年 晴

六日 雨無正終篇 晴

七日 二十九年 晴

八日 小旻一章 晴

寒露九日 三十年 晴 夜分雨

十日 小旻二章 欲曉雨止 陰

十一日 三十一年 晴

十二日 小旻三章 晴

十三日 三十二年 晴

十四日 小旻四年 晴

十五日 甲子 讀醫經 晴

十六日 三十三年三十四年 晴

十七日 小旻終篇 晴

十八日 三十五年三十六年 晴

十九日 小宛一章至三章 陰冷

二十日 三十七年三十八年 晴

二十一日 小宛終篇 晴

二十二日 三十九年四十年 陰

二十三日 小弁一章二章 雨申後晴夜雨

二十四日 四十一年四十二年 晴晚小雨

二十五日 甲戌 小弁三章四章 自五更雨已

後止夜雨

二十六日 四十三年至四十六年 陰風

二十七日 小弁五六七章 陰時見日

二十八日 四十七年至五十年 晴

二十九日 小弁終篇 晴

三十日 五十一年至五十四年 晴暖菊花盛開

終夜風

十月丁亥小

一日 作書辭官 晴

二日 巧言一章

三日 五十五年 晴

四日 巧言二章 晴

五日 甲申 五十六年 晴稍暖

六日 巧言三章 晴 黃花如散金

七日 五十七年 陰

八日 巧言四章 晴 庭有落葉

九日 五十八年五十九年 晴

十日 巧言終篇 晴

十一日 秦昭王三十二年至五十五年 陰

十二日 何人斯一章至四章 陰

十三日 五十六年孝文王元年 早略見日沉陰

夜月明

十四日 何人斯終篇 晴

十五日 甲午 閱醫經 晴

十六日 莊襄王元年至始皇元年 晴

十七日 巷伯一章至四章 晴

十八日 二年至五年 晴暖

十九日 巷伯終篇 晴暖

二十日 六年至九年 晴暖

二十一日 谷風 陰時見日昏小雨

二十二日 十年至十三年 晴暖

二十三日 蓼莪一二三章 晴暖

二十四日 十四年至十七年 自五更小雨時作

時止

二十五日甲辰 蓼莪四章 晴

二十六日 十八年至二十一年 陰

二十七日 蓼莪終篇 自昨夜雨時作時止 設

圍爐 反照

二十八日 二十二年至二十五年 晴微霜

二十九日 大東一章二章 晴晡後冷

十一月戊子大

一日 忌祭 晴寒 辰後陰

二日 二十六年 晴寒

三日 大東三章 晴

四日 二十七年 晴

五日 大東四章五章 晴暖

六日甲寅 二十八年至三十三年 晴暖

七日 大東終篇 小雨陰晦夜雨

八日 三十四年至三十七年 小雨晚晴

九日 四月一章二章 晴

十日 二世元年 晴

十一日 二世二年 晴暖

十二日 二世三年 陰雨遂終夜

十三日 義帝元年 苦寒陰晦有雪片

十四日 漢高帝二年 陰寒

十五日 三年四年 晴寒

十六日甲子 四月三章四章 晴寒

十七日 四月五章 晴

十八日 四月六章 晴

十九日 四月終篇 晴暖

二十日 北山一章二章 晴暖

二十一日 北山終篇 陰酉微雨

二十二日 閱祭禮 陰

二十三日 閱祭禮 陰

二十四日 閱祭禮 陰微雨

二十五日 閱祭禮 晴

致二十六日甲戌 家六 成時祭 補大事記霜晴

晨光葱曠風氣清澈

二十七日 無將大車 霜晴風寒

二十八日 補記 霜晴

二十九日 小明一章 霜晴

三十日 補記 晴寒

十二月己丑小

一日 讀宗法 晴寒

二日 小明二章 晴寒

三日 補記 晴寒

四日 小明三章 晴寒

五日 補記 晴

六日甲申 小明四章 晴頗暖

七日 補記 晴

八日 小明卒章 晴寒

九日 補記 晴

十日 鼓鐘

十一日 補記 晴寒

十二日 楚茨一章 晴寒

十三日 補記 晴寒

頁集十五 三十一

十四日 楚茨二章 陰寒

十五日 補記 晴寒

十六日甲午 楚茨三章 晴寒

十七日 補記 晴寒

十八日 楚茨四章

十九日 補記 晴寒

臘二十日 楚茨終篇 晴寒

二十一日 補記 晴寒

二十二日 信南山一章二章 晴寒

二十三日 補記 晴寒

二十四日 信南山三章四章 晴

二十五日 補記 晴

二十六日甲辰 信南山終篇 晴

寒 二十七日 補記 晴

二十八日 補記 晴

二十九日 補記 晴寒

康熙八年辛丑

正月庚寅六

一日戊申 讀論語 晴寒

二日 甫田一章 晴寒

三日 漢高帝五年上 吟法微飄雪

四日 甫田一章 自昨夜大雪林麓欄檻高下一色及後止

五日 五年下 陰晦時有雨 夜雪

六日 甫田三章 早雪止藏雪申後雪復作晚止

七日 甲寅 六年上 陰晴不定

八日 甫田終篇 陰晦晚大雪遂入夜

九日 六年下 早雪止琳琅觸目 陰

十日 大田一章 晴及溝餘白臘梅盛開

十一日 七年 霜晴已後陰

十二日 大田二章 陰寒

立春十三日 八年 陰時見日

十四日 大田終篇 晴時有雲

十五日 閱歐陽公集 晴風

十六日 九年 晴風

十七日 甲子 瞻彼洛矣一章 晴

十八日 十年上 晴

十九日 瞻彼洛矣終篇 晴

二十日 十年下 日烘臘梅香甚

二十一日 裳裳者華序 晴 夜大風

二十二日 十一年上 陰風

二十三日 裳裳者華 晴

二十四日 十一年中 晴 夜小雨

二十五日 桑扈 晴和夜風

二十六日 十一年下 陰寒

水雨 二十七日甲戌 鴛鴦 陰

二十八日 十二年上 陰寒時時小雨

二十九日 雨木冰 頰弁一章 午後雪終夜不

止

三十日 十二年下 早晴申後雪遂終文

二月辛卯小

一日 頰弁二章 大雪晚小止復作

二日 惠帝元年二年 大雪日夜不息

三日 頰弁三章 大雪日夜不息

四日 三年四年 早雪止未後晴

五日 車牽一章至三章 陰晴不定

六日 五年六年 輕陰 餘雪可觀

七日甲申 忌祭 晴

八日 七年高后元年 晴

九日 車牽終篇 晴 園梅盛開

十日 二年三年

十一日 青蠅 陰晴不定 夜小雨

十二日 四年五年 細雨時作時止

十三日 賓之初筵一章 陰晚晴

十四日 六年七年 晴和

十五日 讀論語 晴和晚大風

十六日 八年上 晴和紅梅開

十七日 甲午 賓之初筵二章 晴暖

十八日 八年中 陰暖甚晚小雨

十九日 作番陽王安母墓表 欲曉大風雨終日

滂沱晚晴

二十日 八年下 晴

社二十一日 賓之初筵三章 陰時有雨

二十二日 文帝元年 晴

二十三日 賓之初筵四章 霜寒晴櫻桃花開

二十四日 補記 晴杏花開聞春禽

二十五日 賓之初筵卒章 晴和

二十六日 補記 晴和 桃花開

二十七日 甲辰 致齋 晴風時有雲

二十八日 時祭 陰午後晴雜花多開晚雷雨遂

入夜

春二十九日 補記 陰雨

三月壬辰大

一日 讀宗法 晴 紫荊花開 晚雨

二日 二年上 晴

三日 魚藻 晴

四日 二年中 晴

五日 采菽一章 或晴或陰夜小雨

六日 二年下 陰

七日 采菽二章 陰雨

八日甲寅 諸葛誠之行輟課 陰雨夜晴

九日 采菽三章 晴寒 李花開

十日 三年 陰晚雨

十一日 采菽終篇 陰雨

十二日 四年五年 陰雨

十三日 角弓一章至四章 陰時見日

十四日 六年 晴暖 海棠梨花盛開 夜雨

清十五日 讀知言 陰晚小雨

十六日 七年 晴時有雲

十七日 角弓五章六章 晴 聞

東萊集十五

三十一

史記

十八日甲子 八年 早晴辰後陰雨遂終夜

十九日 角弓終篇 陰雨

二十日 九年十年 晴夜小雨

二十一日 蕤柳 或陰或晴

二十二日 十一年上 晴漸熱綠陰初成夜雨

二十三日 都人士序 陰時有雨午後雨益大遂

終夜

二十四日 十一年下 晴

二十五日 都人士一章 晴 真珠花開

二十六日 十二年 晴 百葉桃開

二十七日 都人士三章 晴

二十八日甲戌 十三年 陰雨

二十九日 都人士終篇 陰雨時見日

三十日 十四年 晴 竹間蕙開

三月小

一日 閱醫經 晴 茶蘼薔薇開

二日 十五年 陰晚晴 紫竹筍生 聞子規

三日 采綠 陰 午後雨遂終夜

四日 十六年 細雨

五日 黍苗 陰 作茶蘼架

六月 後元年 陰種蓼花時見日筋竹笋生晚雨
遂終夜

七日 隰桑 雨

八日 甲申 後二年 晴濕熱

九日 白華一章二章 陰 種芭蕉

十日 後三年四年 雨晚晴夜復雨

十一日 白華三章四章 或陰或晴

十二日 後五年 晴夜雨 聞鶯

十三日 作邵武游玠母墓誌 晴

十四日 後六年 乍雨乍晴

立 十五日 閱醫經 晴時有雨

十六日 後七年 輕雷小雨

十七日 白華五章六章 陰小雨

十八日 甲午 景帝元年 陰時見日

十九日 白華終篇 陰 新荷生

二十日 二年上 晴時有雲

二十一日 繇蠻序 陰時見日

二十二日 二年下 陰晴不定小雨

二十三日 繇蠻 陰時見日

二十四日 三年上 晴初熟

二十五日 瓠葉 晴 除圍爐

二十六日 三年中 晴 執夜雨

二十七日 漸漸之石 終日雨

二十八日 甲辰 與范元章黃英甫諸人會飯 輟課

晴熱

二十九日 黃幾先行 輟課 晴熱

四月癸巳大

一日 讀正蒙 陰時有雨

初二日 三年下 晴極熱

三日 茗之華 晴熱 夜大雨

四日 補記 雨午後止

五日 何草不黃 陰晚雨

六日 補記 時時雨

七日 文王序 陰夜雨

八日 補記 晴夜雨

九日 甲寅 文王一章二章 陰夜雨

十日 補記 大雨如傾

十一日 文王三章四章 晴晚陰

十二日 四年 陰時時雨 濕熱

十三日 文王五章 晴

十四日 五年六年 晴熱 蜀葵開

十五日 閱醫經 晴午微雨

十六日 七年中元年 晴開東窓

十七日 文王終篇 陰

十八日 中二年上 陰雨夜大雨

十九日 甲子 大明一章 陰時有雨

二十日 中二年中 晴

二十一日 大明二章 或陰或晴

二十二日 中二年下 早大雨已止未後晴

二十三日 大明三章 晴

二十四日 中三年 早晴辰後陰 涼

二十五日 大明四章 陰時時雨

二十六日 中四年五年 雨

二十七日 大明五章六章 雨

二十八日 中六年後元年 大雨如傾遂終夜

萱草開

二十九日 甲戌 大明終篇 早雨辰止午復雨

三十日 林伯和來 輟課

五月甲午大

一日 讀論語 大雨 致

三日 時祭 早雨止辰後復作遂終夜
三日 縣一章 陰時時雨

四日 後二年三年武帝建元元年 快晴

五日 縣二章 晴未後雷雨 治藥

六日 綿三四五章 晴熱

七日 綿六章 晴熱

八日 建元二年三年 晴午後小雨

九日 甲申 縣七章 晴已後陰

十日 建元四年五年 終日雨

十一日 縣八章 大雨

十二日 建元六年 雨

十三日 縣卒章 大雨

十四日 元光元年二年 陰雨夜月明

十五日 讀易 辰後日出晚雷雨

十六日 元光三年 晴濕熱

小十七日 械撲 晴晚小雨

十八日 元光四年 晴熱晚雨

十九日 甲午 旱麓一二三章 晴熱

二十日 元光五年 晴 舶趨風至

二十一日 旱麓終篇 晴熱

二十二日 元光六年 晴熱

二十三日 思齊一章 晴熱

二十四日 陳正己行較課 晴熱

初二十五日 思齊二章三章 晴熱

二十六日 元朔元年 晴熱

二十七日 思齊終篇 晴熱

二十八日 元朔二年 晴熱

二十九日 甲辰 皇矣一章 晴熱

三十日 元朔三年四年 晴熱 夜大熱

六月乙未小

一日 讀近思錄 晴大熱

大 二日 元朔五年 晴熱 黃葵開

三日 皇矣二章 晴熱

四日 元朔六年 晴熱

中 五日 皇矣三四章 晴熱 申風雷微雨飄洒

秋蟲鳴

六日 元狩元年 晴熱 晚薄雲小雨

七日 皇矣五六章 晴熱

八日 元狩二年三年 晴熱 晚雨簷溜有聲食

九日甲寅 皇矣終篇 晴大熱 池蓮始開 夜

驟雨頃之

十日 元狩四年 晴熱

十一日 靈臺一二三章 晴熱

十二日 元狩五年 晴熱 蓼花開

十三日 靈臺終篇 晴熱夜尤熱

十四日 元狩六年元鼎元年 早驟雨終日陰夜

月明

十五日 讀近思錄 晴時有風

十六日 元鼎二年三年 晴熱

一陽 貞義集十五

四十三

十七日 下武 朝霞晴熱

秋立十八日 元鼎四年 晴熱

十九日甲子 文王有聲一二章 晴熱

二十日元鼎五年 早陰已後晴

二十一日 文王有聲三四章 欲曉驟雨頃之終

日陰昏後小雨

二十二日 元鼎六年 晴熱

二十三日 文王有聲終篇 晴大熱

二十四日 元封元年 晴熱晚驟雨虹見

二十五日 生民一章 晴熱

二十六日 元封二年三年 晴熱

二十七日 生民二三章 晴熱

二十八日 元封四年五年 晴熱

二十九日 甲戌 生民四章 晴熱午後小雨

七月丙申大

一日 讀論語 晴熱

二日 元封六年太初元年二年 晴熱

三日 生民五章 晴熱

四日 太初三年四年天漢元年 晴熱

五日 生民六章 晴熱

八東萊集卷十五

四十四

六日 天漢二年至征和元年 晴熱

七日 生民七章 晴熱虹見小雨

八日 征和二年三年 晴午後陰小雨

九日 生民終篇 自五更大風陰午後時時小雨

十日 甲申 補記十一年 晴午小雨

十一日 行葦一二三章 晴時有雲 步月墻東

水竹幽茂

十二日 補記十三年 晴熱

十三日 行葦四五章 晴熱

十四日 補記十七年 晴熱

十五日 晴熱

十六日 補記十年 晴熱

十七日 行葦終篇 晴熱

十八日 補記二十二年 晴熱 豆花開

十九日 既醉一二三四章 晴熱

二十日 甲午 補記二十二年 早涼晴初夜小雨

二十一日 既醉終篇 陰午後雨久之

二十二日 補記十一年 陰涼

二十三日 鳧鷖 陰時時雨秋意愴然木芙蓉開

二十四日 補記一年 晴早晚涼午熱

二十五日 假樂 晴

二十六日 補記二年 晴晚陰

二十七日 公劉一章 陰

二十八日

觀伯恭病中日記其緒閱論著固不以一日

懈至於氣候之暄涼草木之榮悴亦必謹焉

則其察物之省蓋有非血氣所能移者矣比

來不得復見伯恭固為深恨然於此得竊窺

其學力之所至以自警省則吾伯恭之不工

其誨我亦諄諄矣三復不涕敬書其後

溥熙壬寅新安朱熹

朱熹呂太中文集卷第十五



朱熹呂太中文集卷第十五

朱熹呂太中文集卷第十五

右太史文集十五卷 先君太府寺丞所次輯也
喬年聞之先君曰 太史之於文也有不得已而
作故今所傳詩多挽章文多銘志餘皆因事涉筆
未嘗有意於立言也是以平生之作率無文橐若
其問學之致教人之方與其處已接物齊家事君
之大略則既行乎宮庭關乎國論傳諸庠序不待
文字之摹刻而可見矣而自太史之沒不知何人
刻所謂東萊先生集者真鴈錯糅殆不可讀而又
假託門人名氏以實其傳流布日廣疑信相半先
君病之乃始與一二友收拾整比將付之鐫木者
以易舊本之失會言事貶不果就喬年追惟先緒
之不可隊因遂刊補是正以定此本凡家範尺牘
讀書雜記之類皆總之別集策問宏辭之類爲世
所傳者皆總之外集年譜遺事與凡可參考者皆
總之附錄大凡四十卷其他成書已傳草具之未
成者皆不著著其目於附錄之末雖或年月之失
次訪求之未備未可謂無遺恨至於絕舊傳之繆
以終先君之志則不敢緩且不敢隱焉旣以質諸
先友因輒記于目錄之後太史諱祖謙字伯恭天
下稱爲東萊先生云嘉泰四年秋從子喬年謹記



